

Paul-ŋum Tuyuutai Titus-mun

¹ Tuyuutit ukua aggiqsut Paul-miň savaktaaniň Agaayyutim, uqqiraqtigiplugu Jesus Christ-ŋum. Agaayyutim piksraqtaaġigaña ikayuqupluginch ilaan iñuksraqtaaŋi ukpiliqupluginch suli ilisauktutiqağlugich ilumutuungagun ukpiğusripta, ² tunħaviqaqtuakun niġiugaqałikun isruitchuamik iñuułigmik. Agaayyutim saglutlaitchuam akiqsruġniġaatigut taavrumiňa iñuułigmik sivuani aullaġniilhan piviksrauruam. ³ Aasrii nalaullapiaqługu piviksraq sagvīgaa taamna tusraayugaġiksuaġmigun. Taatnaqtuksraġuqlüňa savaaksritchaaña, uvañaasrii uqağıplugu tillisaagun Agaayyutim Anniqsuqtipta. ⁴ Titus, aglaktuňa ilipnun iġħaurapiamnun ukpiqsrilikun piqatigikkamnun. Agaayyutimtuq Aapauruam suli Christ Jesus Anniqsuqtipta iħuaqqutikun qinu iññi qsimaġumigaatin.

Titus-ŋum Savaaġa Crete-mi

⁵ Uvaña unitchikpiň Crete-mun iħuaqsruqupluginch sut iħuaqsrugaksrauruat taamani, suli nalu-naiqsitqupluginch ukpiqtuañjuruat qaukliksrañitñik nunaaqqipayaani. Tillisitka itqaġilugich, ⁶ qaukliksraqtaañjuruaq patchisaitchuksrauruq, aنجun atautchimik ilaqatiqağuni, suli qitunġai ukpiqsrilutij uqautausruñaqatij pitchiġiillugich tupiktaılıkun. ⁷ Uqaqtiksraqtaaq Agaayyutim

savaaŋjanik aŋalatchiruksrauplugu patchisaitchuk-srauruq, pisułigmigausruŋaqani, uumitchak-tangiġuni unniiñ imiliqaqtasruŋaqani, qinnak-tasruŋaqani unniiñ killukun piqaġugruasuŋaqani.

⁸ Ilaa tukkuġiŋñaqsuksrauruq, piqpaksriŋuluni nakuuruamik, iŋmiňun aŋalalguluni, nalaunŋaluni, ipqilluni, suli algaqsruutmik tuvrairuaŋuluni.

⁹ Uqaqtiksraqtaam payaŋairvigiraksraqgigaa uqaut-tutini ukpiġiraksrauruaq suli iviqtisrimaaqtuaq ilisauuttutmun. Taatna ilitqusriqagumi ilaa pitchuksaaġilgugisiruq atlanik ilumutuuruakun ilisauuttutikun, suli qiniqtilgugisiyaa taŋigiliqqataat akilliiruat uqałigmu.

¹⁰ Uvvatakku iňugiaktut tupiguutaITCHUAT iňuich kinnitňikhutiŋ atlanik nipiqałigmikkun kinniqiļlikun, suvaluk taapkua ilisauttriruat iňuk nalunaitŋutchiqsuksrauplugu annautrauniaq-pan.

¹¹ Ilisauuttuaat nutqaqtitaksraqipiagiň, takku ilinjisa akasrimagaich aŋayuqaagiich ilisautriliġmikkun ilisauuttutigingilaaksraqmiknik killukun piqaġugruaqhutiŋ.

¹² Crete-taġmiut ilajat sivuniksriqiraat nipliġňijsuq, Crete-taġmiurguuq ataramik saglaturuanjuniplugich, niġrugaaqķuktun inniplugich, suli iqiasruuplutin niġitlaturaunjuniplugich.

¹³ Aasrii taamna nipliun ilumutuupluni.

Taatnaġlugich

iluałiksraŋatnun ilvich iňiqtigumigitin ipiksilugu, ilinjilli sayakturuamik ukpiġusriňikkumuut,

¹⁴ itlungiġutiŋ Jew-ŋuruuat unipchaaliaŋitňunlu ilisauuttuaatnunlu suli iňuich tillisaatnun, ayyairuat ilumutuulığmik.

¹⁵ Supayaaq ipqitchuq iňuŋni ipqitchumaruani, aglaan ipqitchuaŋitchuq tamatkunani qaayuġnaqtuanı

suli ukpiqsriñgitchuanı, takku ilinjisa isrummatiñich suli qauğrimmağıutillautaŋich qaayuğnaqsimaplutin. ¹⁶ Ilinjich ilitchuqsrimanigaluaqhutin Agaayyutmik, aglaan iñuuニアhata piilaägigaa, ilinjich uumiktanikhutin, tupiktaiqhutin, iñiqtaqağumiñaiqhutin nakuuru-amik.

2

Nalaunjaruat Ilisauktutit

- ¹ Aglaan ilvich ilisauktutigiraksraigigiñ ilisauktutiksraq ilumutuurautigun uqałiqtigun.
- ² Uqautilugich utuqqanaağuqtuat aŋutit qauğrimmaağıqulugich, isrumaugalgulutin, ilinjitñik aŋalalgusritqulugich. Ilumutuğuguñutin ukpiqsriłigmikkun, piqpaktağmikkun, suli iglutiulgasriłigmiktigun. ³ Taatnatuntuuq uqautilugich utuqqanaağuqtuat aŋnat ukpiqtuam irrusrianik piqaqulugich, saglaturuanutqungillugich, naagaqaa tigutarriutqungillugich taanŋajgmun, ilisautritqulugich nakuuruakun, ⁴ atriraksrallautaağuguñutin nutautluktuanun aŋnanun piqpaksriłiksraŋatigun ilaqtiumiknik suli qitunağmiknik, ⁵ iñmiknun aŋalalgusrilutin ipqiłikun suli ilaqtausruqsiłutin kiñuniğmi, tupiqsritlaşrilutin aŋtiumiknik. Agaayyutimli uqałha iñuich suuŋillağingitchumigaat.
- ⁶ Taatnatuntuuq pitchuksaağlugich nukatpiat aŋalallautałiksraŋatnun iñmiknik. ⁷ Ilvilli supayaatigun atriraksrallautaağuguñutin savallaautakun. Ilumutuğullapiağutin suli piyummatiqağutin ilisautriłiqni. ⁸ Uqautrilutin

naġġuksruġnaġumiñaitchuakun, akilliliqsuqtitin kanjusrutlasriługich, pigiitchuakun nipiksraillutin uvaptigun. ⁹ Uqautilugich savaktaaġruich tupiksritqulugich añaayuqaġmiknik suli quyalilugich sukopayaaq. Ilinjich kiumakliqsuksraungitchut ¹⁰ unniiñ tigliktuġvigraksraġingħitchaich. Aglaan ataramik urriqsuqtaksraġigaat nakuuļiqtiñ suli qanutitanja liqtiñ kamagikkauļiksrajanun ilisauttutim Agaayyutikun Anniqsuqtiptigun suraġalipayaqaġmikni.

¹¹ Uvvatakku Agaayyutim iħuaqqutaa ilisimanaqsiruq iñupayaat anniqsuļiksrajanatnun. ¹² Taavrumuuna iħuaqqutmigun Agaayyutim ilisautigaatigut agaayyutailaakuaqunqitluta suli nunakuaħhum kimmutaaguaqunqitluta, iñuutqupluta uvaptiknik ajalalgusriłuta, nalaunjaluta, agaayyutiqaġuta pakma uumani nunami, ¹³ taqqiħaptikni quvianaqtuamun uvluanun niġiugaġikkapta, kamanautaa kamanaqtuam Agaayyutipta Anniqsuqtipta Jesus Christ-ņum sagviqpan. ¹⁴ Ilaa qaitchuaq iñjniżik piqutigipluta, annautisraqħuta pigiitchuapayaamiñ suli pigiagutitqupluta iñjniżuhiñaq, ipqigħuta, piyummattiniguta nakuuruakun. ¹⁵ Tamatkua ilisauttutigiyumigħit, atuġġlugin ajalatchiñiqni, pitchuksaagiżiñiqni suli algaqsruħħatni tusraarivich. Nalliatnun-unniiñ piinjillaġipkasru jaqnak.

3

Ukpiqtuam Agaayyutiku aġġiaļiksraja

¹ Itqaaqtutilugich iñugikkatin maligutchiļiksrañatigun aŋalatinik suli qaukligñik, tupiksriļikun iliŋitñik, itqanairrutiq-lugu savaallautapayaaq. ² Uqautilugich pigiļakun uqautiksritqungillugich, aglaan qiiñuiyusrimaağlugich, ilauraaqnaağlugich, suli ataramik agganairrutiļikun irrutriqulugich iñupayaanik. ³ Uvvaptuuqtakku qaanjikkaptikni kinniqipluta, tupiktaitluta, nalaunŋaisimarugut, savaksiqsimaplugu kimiksriļiq qu-vianağıkkajigun killuum qanusripayaatigun, iñuuniaqhuta uumiktakun suli siqñaktakun uumikkutipluta avatmun. ⁴ Aglaan Agaayyutim Anniqsuqtipta aggiqami piqpaksriļigmigun suli iluaqqutriļigmigun anniqsugaatigut. ⁵ Uvagut savaaqallautalaptiguungitchuaq aglaan ilaan nagliksriļigmigun anitqiksitaatigut salummakkaukapta imiğmik aasriiñ Ipeqitchuakun Irrutchikun qaitchipluta nutaamik iñuułigmik. ⁶ Uvvatakku Agaayyutim agliplugu qaitchigaatigut Ipeqitchuamik Irrutchimik, uumuuna Jesus Christ-kun Anniqsuqtiptigun, ⁷ taavrumuuna iluaqqutaagun uvagut nalaunŋasripkaqhuta Agaayyutmi, suli piňňaktaaqilugu isruitchuaq iñuuļiq niğiugağıkkakput.

⁸ Tarra taamna ilumutuuruaq nipliun. Uvaña ataramik uqaqugikpiň tamarrumuuna nalupqisruutaigutin, iñuilli ukpiqsiruat Agaayyutmik ataramik kipiğiyumuut piviqaqtiļiksrañagun savaallautam. Taatnatchich savaallautat nalaunŋarut suli ikayuutiksraurut iñuŋni. ⁹ Aglaan piisimaağvigilugu isilgaiļikun

uqaksraqtuļiq, immakŋaqtatigun atiqtigun kaŋŋiuļiq, aivvatraliq, suli akimaniutraliġmiň maliġuksratigun qaisauruatigun Moses-kun. Tamatkua ikayuutaungitchut unniň piłuktuaŋjungitchut. ¹⁰ Malġuġuġluguunniň algaqsruutiqaġumigiiň iňuk akatchiruaq avgumałyġmik İlamiňi, suqutigitqisruŋaqnagu malinħuġutillangħitpan. ¹¹ Uvvatakku ilisimagiň taat-nasriq iňuk iluaqsrūutaungitchuq suli killuqsaутaiň kaŋiċsimapkaġaġigaat nalaunġiħagun.

Ilisauttutit Aqulliich

¹² Qakugu tuyuġiyupku Artemas naagaqaa Tychicus ilipnun, utlallaksapiäġumigikma Nikopolis-mun, takku sivuniqaqtuňa ukiisukluňa tarani. ¹³ Ikayuġniallapiaġumiikkiiň Zenas, maliġutaksraliqirilu suli Apollos aullaġniaħħakni iglauļiksraġmiknun, suli supayaamik inuŋaiyallapiäġlugik. ¹⁴ Ilisautilugich iñugikkavut piviqaqtitchiļiksraŋatigun savaallautamik, aasiiň piqaqtitchilutiň atlat inuġikkanjiġitnik iqaisruktuasruŋaqatiň.

¹⁵ Iluqaġmiň piqasriqsuqtima nayaanġaġaatin. Nayaanġaqmigivut ukpiqtuaqatiuvut. Agaayyutim iluaqqutaan iluqasri nayuġumigaasri.

Ipqitchuat Makpiġaat - Agaayyutim Uqałhi

Inupiatun

The New Testament in Northwest Alaska Eskimo

copyright © 2010 Wycliffe Bible Translators, Inc.

Language: Inupiatun, Northwest Alaska (Northwest Alaska Eskimo)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source files
dated 9 Oct 2020

46cece15-9127-50b3-bf07-88a1082e7ab6